

清季外交史稿

卷一百四十五 清季一百四十八

弟

七

十

五

卅

醫學博士 齊藤 隆夫

昭和十一年四月一日
東京市立第一病院
外科部長 齊藤 隆夫

清季外交史料

附索引及西巡大事記



中華民國二十一年一月出版

總發行 王希隱

北平迺茲府關東甸七號

版權所有 翻印必究

清季外交史料卷一百四十七

光緒二十七年五月至六月上

目錄

江督劉坤一致總署籌款若辦印花稅歲可得千萬電

五月初一日

全權大臣李鴻章致總署據德使言如允賠款即可撤兵電

五月初二日

鄂督張之洞致總署賠款不可令各國公保恐致干預財政電

五月

初二日

總署致德使樹立克林德被害碑誌照會

六月初七日

上諭總署改爲外務部派奕劻總理王文韶會辦並各將軍督撫毋

庸兼總署銜

二月初九日

各國使臣覲見禮節說帖

初十日

粵督陶模致外部粵海關報澳門設關無益於中國電十一日

劉坤一張之洞奏條陳變通政治四端懇決意施行摺十一日

侍郎盛宣懷致奕劻李鴻章轉伍廷芳電賠款事美商各國還銀未

允可請公評電十二日

魯撫袁世凱致總署各使條款較各武官原議輕減甚多電十二日

外部奏照錄各使交還天津照會進呈御覽摺十三日

增改擴充北京各國使館界址章程附專條十三日

清季外交史料卷一百四十七

黃巖弢夫王彥威輯

男希隱亮編

孫孝章敬立校

江督劉坤一致總署籌款若辦印花稅歲可得千萬電
和議漸定籌款萬難鄂督加丁稅之議德外部告羅使云丁捐恐生事
且中外情形不同將來造冊籌定捐數亦苦無憑據計惟捐稅與印花
稅相輔而行印花稅爲外洋進款之一大宗中國若仿照辦理一切田
產買賣匯票均加印花惟當票不加稅以恤民力雖進款不及丁稅之
多然亦可得一千萬應請酌之五月初一日

全權大臣李鴻章致總署據德使言如允賠款即可撤

兵電

德使言奉政府電已准瓦納撤兵如果允認賠款四釐即日可撤兵云云加息一節宜速允以免事機中變英法美使均言四釐不可減張之洞言英有活動語不可信若游移不決秋後撤兵必增鉅款加稅作抵頃辦不到俟通商行船各約商定更改時再行商議辦抵未晚

五月初二日

鄂督張之洞致總署賠款不可令各國公保恐致干預

財政電

傑彌遜述薩使言賠款之法不可令各國公保致干預中國財政不索現銀各國分寫債票如分五十年每年還二千零九十四萬餘本利共

一千零四十七兆有奇卽是四釐息傑又言此係每年以一千八百萬兩作爲付四釐息其餘係以半釐有零還本云云西人精算法彼自以爲四釐我不可以爲二釐半反誤認重息爲輕息此語一出外人將錯就錯仍按四釐算則喫虧矣 五月初二日

總署致德使樹立克林德被害碑誌照會

爲照覆事本年五月初三日接准貴大臣照稱和議總綱第一款載明原任德國克大臣被害處所樹立銘誌之碑一節章京瑞良候選道聯芳奉派辦理該章京等早經向本署開商議及此碑應如何做法屢商議間又稱願在被害處所用大理石樹立牌坊一座東西寬滿崇文門大街因材料難於轉運做工多需時日又設別法將他處現有之牌樓

移至被害處所樹立或立一新牌樓或挪用舊有者均應聽候本國裁奪本大臣當經電詢本國國家意向茲奉回諭德國大皇帝意旨親裁仍應新設牌坊一座足滿街衢等因自應剴切請迅速妥辦以便立刻興工等因前來本王大臣當即札飭該章京等遵照辦理據報已於五月初十日開工先築地基其開山鑿石轉運料件在在均須時日惟有督飭工人儘力安速辦理等語除飭將全工隨時稟商外相應照覆貴大臣查照可也須至照會者六月初七日

上諭總署改爲外務部派奕劻總理王文韶會辦並各將軍督撫毋庸兼總署銜

二件

上諭從來設官分職惟在因時制宜現當重定和約之時首以邦交爲

重一切講信修睦尤賴得人而理從前設立總理各國事務衙門辦理交涉雖歷有年所惟所派王大臣等多係兼差未能殫心職守自應特設員缺以專責成總理各國事務衙門着改爲外務部班列六部之前簡派和碩慶親王奕劻總理外務部事務體仁閣大學士王文韶着授爲會辦外務部大臣工部尙書瞿鴻禨着調補外務部尙書授爲會辦大臣太僕寺卿徐壽朋候補三四品京堂聯芳着補授外務部左右侍郎所有該部應設司員額缺選補章程各堂司各官應如何優給俸糈之處着政務處大臣會同吏部妥速覈議具奏

六月初九日

上諭前因各省辦理交涉事務殷繁特令各將軍督撫兼總理各國事務大臣之銜現在該衙門已改爲外務部特設專官各將軍督撫卽

着毋庸兼銜惟交涉一切關繫綦重皆地方大吏分內應辦之事該將軍督撫等仍當加意講求持平商辦用副委任六月初十日

各國使臣覲見禮節說帖

一諸國使臣會同或單行覲見大清國大皇帝時卽在大內之乾清宮正殿 二諸國使臣覲見時來往乘轎至景運門外在景運門換乘椅轎至乾清門階前降輿步行至乾清宮大皇帝前禮成後諸國大臣一體回館 三每值使臣呈遞勅書或國書時大皇帝必遣加用黃轎如親王所乘之綠轎到館將使臣迎入大內禮成後仍一體送回來往之時必派兵隊前往使館迎送 四每值呈遞勅書或國書時其書在使臣手內必由大內之各中門走進直到駕前禮成後卽由已定諸國使

臣觀見禮節所議各門而回 五使臣所遞勅書或國書皇帝必親手接收 六如皇帝願款宴諸國使臣現已議明應在大內之殿廷設備皇帝亦躬親入座 七總之無論如何中國優禮諸國使臣斷不至與彼此兩國平行體制有所不同 六月初十日

粵督陶模致外部粵海關報澳門設關無益於中國電
豔電悉澳門設關事據粵海關等稅務司云中國在本疆界內開設通商口岸自有權衡管轄若照葡使所請則關設彼界恐無管轄之權雖華人犯法亦必經葡官之手如此漏脫必多且澳境海港分歧即果設關在彼而現在之卡仍不可裁庶免繞越之虞更可慮者別國之船安肯在澳境新關輸稅於中國揆度情形在澳設關恐無益於中國等語

所見與鄙意相同鐵路可否允准仍乞電商盛侍郎察奪詳核

六月十一日

劉坤一張之洞奏條陳變通政治四端懇決意施行摺

兩江總督劉坤一湖廣總督兼署湖北巡撫張之洞奏爲變通政治人才爲先遵旨籌議奏陳事竊臣等欽奉光緒二十六年十二月初十日上諭法令不更錮習不破欲求振作當議更張着軍機大臣大學士六部九卿出使各國大臣各省督撫各就現在情形參酌中西政要舉凡朝章國故吏治民生學校科舉軍政財政當因當革當省當併或取諸人或求諸已如何而國勢始興如何而人才始出如何而度支始裕如何而武備始修各舉所知各抒所見通限兩個月詳悉條議以聞等因欽此仰見我皇上懲毖多難必欲掃積習以濟時艱感涕之餘且愧且

奮臣等嘗聞之周易乾道變化者行健自強之大用也又聞之孟子過然後改困然後作動心忍性增益所不能者生於憂患之樞機也上年京畿之變大局幾危其爲我中國之憂患者可謂鉅矣其動忍我君臣士民之心性者可謂深矣窮而不變何以爲國然則修中華之內政采列國之專長聖道執中洵爲至當惟是中國貧弱廢弛之弊或相沿百餘年或相沿二千餘年一旦欲大加興革必須規畫周詳確有下手之處然後氣血生而宿疴自去疣癰決而元氣可支竊謂中國不貧於財而貧於人才不弱於兵而弱於志氣人才之貧由於見聞不廣學業不實志氣之弱由於苟安者無履危救亡之遠謀自足者無發憤好學之果力保邦致治非人無由謹先就育才興學之大端參考古今會通文

武籌擬四條敬爲聖主陳之

一設文武學堂 取士之法自漢至隋爲一類自唐至明爲一類無論或用選舉或憑考試立法雖有短長而大意實不相遠漢魏至隋選舉爲主而亦間用考試如董晁鄒杜之對策是也唐宋至明考試爲主而亦參用選舉如溫造種放之徵召是也要之皆就已有之人才而甄拔之未嘗就未成之人才而教成之故家塾則有課程官學但憑考校此皆與三代學校之制不合現行科舉章程本是沿襲前明舊制承平之世其人才尙足以佐治安民今日國蹙患深才乏文敝若非改絃易轍何以拯此艱危然而中國見聞素狹講求無素即有考求時務者不過粗知大略於西國政治未能詳舉其章西國學術未能身習其事現雖

舉行經濟特科不過招賢自隗始之意只可爲開闢風氣之資而未必遽有因應不窮之具考周官司徒之職小戴禮學記之文大率皆以德行道藝兼教并學學成而後用之此外見於經傳者鄉國之學皆兼六藝大夫之職必備九能書禮干戈司成並教寄象鞮譯王制分官海外圖經伯益所傳潤色專對論語所重又按三代之制庠序之稱曰士卒伍之稱亦曰士實爲文武合一文武並重之明徵若孔子兼通文武學於四裔尤聖人躬行垂教之彰彰者此後漢舉使才唐采回曆隋志經籍多收方言明初文科亦兼騎射欽惟我朝康熙年間測天造礮皆用西人內府地圖創用西法之經緯線此圖所刻銅板即用東洋銅板之陰陽文尼布楚界碑兼用三體文字乾隆年間西域同文志兼列清漢

蒙古西番託武回部之書至於內廷功課八旗教官皆係文武兼習祖宗舊制洵足爲萬代法程今泰西各國學校之法猶有三代遺意禮失求野或尙非誣其立學教士之要義有三一曰道藝兼通二曰文武兼通三曰內外兼通其教法之善有四一曰求講解不責記誦一曰有定程亦有餘暇一曰循序不躐等一曰教科之書官定頒發通國一律大小各學功有淺深意無歧異其考校進退章程皆用北宋國學積分升舍之法才能優絀切實有據既不虞試官偏私亦不至摸索偶誤故其人才日多國勢日盛德之勢最强而學校之制惟德最詳日本興最驟而學校之數在東方之國爲最多興學之功此其明證其學校教法大率少年者先入小學堂先教以淺近文理算法史事格致之屬小學堂